

Es Lied, e Jutz

F für alle (B-Dur)

Es Lied, e Jutz, o freu di dra,
koschtbar wie Gold u Silber. Wenns
duss strubusset, chute tuet, wird's i dir
inn viel hilber. S'git Tage wo me nüt
vertreit, drum sing es Lied, s'git
Heiterkeit.

*Ja ds Jodellied das isch für mi, no
schöner als die schönschi
Symphonie. Drum los zue, wie ärde-
schön S'tönt wie hälli Gloggetön.*

Ganz töif im Härz gspürsch du die
Chraft, wo dir das Lied tuet bringe. Es
tuet dr Seel so ärdeguet, drum hilf mit
mir eis singe. Hesch ds Gfühl i dir inn,
sigs so läär, das Lied seit dir nimm's
nod so schwär.

Ja ds Jodellied.....

Drum freu di dran a jedem Ton, los
zu, was dir das Lied tuet säge.
S'verzellt vo Friede, töifem Glück, wo
dir wird gschänkt im Läbe. Drum suech
nid z'wit für glücklich z'sy, los zue der
schöne Melodie.

Ja ds Jodellied.....